



ԱՐՀՄԻՈՒԹԵՆԱԿԱՆ

ԱՆՑՈՒԴԱՐՁ

Ա մ ս ա գ ի ռ



Հայաստանի արհմիությունների կոնֆերանսիա



Ողջույնի խոսք

Հայաստանի պատվիրակության ՄԿՈՒ
ՈԼՈՒՄՆԱԾԱՆԱՋՈՂԱԿԱՆ այցը ՆԻՂԵՐԼԱՆՈՒԵՐԻ
Թագավորություն

«Ի՞նչ է արիմությունը: Արիմիության դերը կոլեկտիվ աշխատանքային հարաբերություններում»
սեմինար թեմայով

Սեմինար սեմինարավարների համար

Արհմիութենական կոլեկտիվները մասնակցեցին Թենիսի մրցաշարին

ՀԱՄԿ-ի աշխատանքային հարաբերություններում հավասարության հարցերով հանձնաժողովը միացել է ընդդեմ գենդերային բռնության ակտիվության 16 օրյակին

Նվազագույն աշխատավարձը և սոցիալ-տնտեսական իրողությունները Հայաստանի Հանրապետությունում

Հայաստանում նվազագույն աշխատավարձի բարձրացման հարցը կրկին օրակարգում է

Հանդիպում Գյումրու ՀՀ թեթև արդյունաբերության ոլորտի արհկոմի նախագահների, արտադրության և արհմիության մի խումբ պետերանների հետ

ՀԱՄԿ-ում ներկայացվել է աշխատանքային պայմանագրերի կնքման թվային համակարգի տեխնիկական գործընթացը



Ողջույնի խոսք

«Արհմիութենական անցուղարձ» ամսագիրն արդեն երկրորդ տարին շարունակում է իր գործունեությունը՝ լուսաբանելով և հանրահռչակելով Հայաստանի արհմիությունների կոնֆեդերացիայի (ՀԱՄԿ) կողմից կատարված աշխատանքները: Այս ամսագիրը դարձել է հարթակ, որտեղ ներկայացվում են արհմիութենական առօրյայի կարևոր իրադարձությունները, ծրագրերը և միջոցառումները, որոնք նպաստում են աշխատողների իրազեկմանն ու նրանց աշխատանքային, սոցիալական, տնտեսական և մասնագիտական իրավունքների պաշտպանությանը:

Այսօր, ավելի քան երբևէ, տեղեկացված լինելը կարևոր է, և մենք շարունակում ենք մեր գործն՝ ամրապնդելով արհմիութենական շարժումը Հայաստանում և տարածելով տեղեկատվություն:

Հայաստանի պատվիրակության ՄԿՈՒ ուսումնաճանաչողական այցը Նիդերլանդների Թագավորություն

Նոյեմբերի 2-ից 7-ը Հայաստանի Հանրապետության կրթության, գիտության, մշակույթի և սպորտի նախարարության, Հայաստանի արհմիությունների կոնֆեդերացիայի, Հայաստանի գործատուների հանրապետական միության, ՄԿՈՒ քաղաքականության մշակման և որակի ապահովման մարմինների, ՄԿՈՒ հաստատությունների և գործընկեր կազմակերպությունների ներկայացուցիչներից կազմված պատվիրակությունը գտնվում էր Նիդերլանդների Թագավորությունում:



Փորձի փոխանակման շրջանակում պատվիրակությունն այցելել է Նիդերլանդների կրթության տեսչություն, MBO Raad, SBB, ROC Mondriaan, Summa College, CINOP կազմակերպություններ, ինչպես նաև The Chocolate Factory ընկերություն՝ տեղում ծանոթանալով կրթության և աշխատաշուկայի համագործակցության հաջող օրինակներին:

Ուսումնասիրած փորձը կարևոր աջակցություն կդառնա Հայաստանի ՄԿՈՒ ոլորտում իրականացվող բարեփոխումների համար՝ նպաստելով լիցենզավորման համակարգի կատարելագործմանը, կառավարման և որակի ապահովման մեխանիզմների զարգացմանը, ինչպես նաև կրթության և աշխատաշուկայի պահանջների համապատասխանեցմանը:

Այցը կազմակերպվել էր Գերմանիայի կառավարության կողմից պատվիրակված և Գերմանիայի միջազգային համագործակցության ընկերության (GIZ) կողմից իրականացվող ՄՀՀ ՄԿՈՒ ծրագրի շրջանակում:


«Ի՞նչ է արհմիությունը: Արհմիության դերը կոլեկտիվ աշխատանքային հարաբերություններում» թեմայով սեմինար



Հայաստանի տրանսպորտի և հաղորդակցության աշխատողների արհեստակցական կազմակերպությունների ճյուղային հանրապետական միությունը 2025թ նոյեմբերի 8-ից 9-ը Ճաղկաձորի «Ռոսիա» հյուրանոցում կազմակերպել էր «Ի՞նչ է արհմիությունը: Արհմիության դերը կոլեկտիվ աշխատանքային հարաբերություններում» թեմայով սեմինար:

Սեմինար սեմինարավարների համար

Հայաստանի արհմիությունների կոնֆեդերացիան, համագործակցելով «Սոլիդարիթի Սենթր» կազմակերպության հայաստանյան ներկայացուցչության հետ, նոյեմբերի 14-ից 16-ը կազմակերպել էր սեմինար սեմինարավարների համար՝ նպատակ ունենալով շատ արհմիութենականների ընդգրկել արհմիութենական սեմինարավարների շարքերում:



Արհմիութենական կոլեկտիվները մասնակցեցին Թենիսի մրցաշարին

Հայաստանի պետիիմնարկների, ՏԻՄ-երի աշխատողների արհմիությունը նոյեմբերի 16-ին Էրեբունի մանկապատանեկան ստեղծագործական կենտրոնում անցկացրեց սեղանի թենիսի թիմային մրցաշար՝ նվիրված տեղական ինքնակառավարման օրվան:

Մրցում էին պետական ու համայնքային ոլորտի կոլեկտիվներ:

Ճյուղային արհմիության գավաթին արժանացավ ՀՀ Պետական եկամուտների կոմիտեի արհմիության թիմը՝ զբաղեցնելով առաջին տեղը:

Երկրորդ տեղը գրավեց Էրեբունու մանկապատանեկան ստեղծագործական կենտրոնի արհմիության թիմը, իսկ երրորդ տեղը զբաղեցրեց Խարբերդի մասնագիտացված մանկատան արհմիության թիմը:

Պատվավոր 4-րդ տեղում է Կոնդի առանձնատների ՊՈԱԿ-ի արհմիության թիմը:

Անհատական հաշվով առաջին տեղը գրավեց Ալլա Շախկոյանը (ՊԵԿ), երկրորդ տեղը՝ Իրինա Մարկարյանը (Էրեբունու մանկապատանեկան ստեղծագործական կենտրոն), երրորդը՝ Էդուարդ Տոնյանը (Խարբերդի մասնագիտացված մանկատուն):

Աղբյուր՝ Հայաստանի պետիիմնարկների, ՏԻՄ-երի աշխատողների արհմիության պաշտոնական կայք

<https://arhmiutyun.org/2025/11/17/staffs-compete-in-ping-pong-tournament-2025/>



ՀԱՄԿ-ի աշխատանքային հարաբերություններում հավասարության հարցերով հանձնաժողովը միացել է ընդդեմ գենդերային բռնության ակտիվության 16-օրյակին

Հայաստանում ընդդեմ գենդերային բռնության ակտիվության 16-օրյակին ընդառաջ, նոյեմբերի 22-ից 23-ին ՀԱՄԿ-ի աշխատանքային հարաբերություններում հավասարության հանձնաժողովի կողմից կազմակերպվել է «Արհմիությունները հանուն հավասար հնարավորությունների և ընդդեմ գենդերային խտրականության» թեմայով երկօրյա աշխատաժողով:

Աշխատաժողովի ընթացքում տեղի են ունեցել քննարկումներ, ներկայացվել են վերլուծություններ և հետազոտություններ աշխատաշուկայում գենդերազգայնության վերաբերյալ, մասնավորապես ներկայացվել է հանձնաժողովի կողմից պատրաստված «խտրականության դեպքերը ՀՀ աշխատանքի տեղավորման հարթակներում» թեմայով հետազոտությունը: Ներկայացվել է նաև ՄԱԶԾ Պարզևադրոշմի մեթոդաբանությունը և պետական ինստիտուտների գենդերային հավասարության գնահատումը:

Աշխատաժողովի մասնակիցները հնարավորություն են ունեցել լսելու «Հավասարությունը և հակախտրականությունը ՀՀ աշխատանքային օրենսգրքում և աշխատավայրում» և «Ունեցությունների ու բռնությունների վերացմանն ուղղված արհմիութենական մոտեցումները» թեմաներով բանախոսություններ:



ՆԿԱԶԱԳՈՒՅՆ ԱԾԽԱՏԱՎԱՐՁԸ ԵՎ ՍՈՑԻԱԼ-ՏՆՏԵՍԱԿԱՆ ԻՐՈՂՈՒԹՅՈՒՆՆԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ

Հայաստանի արհմիությունների կոնֆեդերացիայի և Հայաստանում Ֆրիդրիխ Էբերտ հիմնադրամի համագործակցության շրջանակում 2025թ. նոյեմբերի 25-ին ներկայացվել է «Նվազագույն աշխատավարձը և սոցիալ-տնտեսական իրողությունները Հայաստանի Հանրապետությունում» հետազոտության արդյունքները, որը իրականացրել է Հանրային և սոցիալական քաղաքականության փորձագետ Ռուբեն Մարկոսյանը:

Միջոցառմանը ներկա էին ՀՀ ԱԺ Աշխատանքի և սոցիալական հարցերի մշտական հանձնաժողովի նախագահ Հերիքնազ Տիգրանյանը, «Աշխատանքի և սոցիալական հետազոտությունների ազգային ինստիտուտ» ՊՈԱԿ-ի տնօրենի ժամանակավոր պաշտոնակատար Ռուբեն Սարգսյանը, ՀՀ աշխատանքի և սոցիալական հարցերի նախարարության, ՀՀ առողջապահության նախարարության, ՀՀ Էկոնոմիկայի նախարարության ներկայացուցիչները և ՀԱՄԿ-ի անդամ ճյուղային հանրապետական միության նախագահները:

Հայաստանի արհմիությունների կոնֆեդերացիայի նախագահ Էլեն Մանասերյանը ողջույնի խոսքում նշել է, որ հետազոտությունն իրականացվել է Հայաստանի արհմիությունների կոնֆեդերացիայի նախաձեռնությամբ՝ նպատակ ունենալով վերհանել Հայաստանի Հանրապետությունում գնաճի և աշխատողների եկամուտների միջև առկա անհամապատասխանությունը, Կենսաապահովման նվազագույն զամբյուղի հաշվարկի և աշխատավարձի ինդեքսավորման կարգի բացակայության խնդիրները:

Հետազոտության ներկայացմանը հետևել է կարծիքների փոխանակում և քննարկում:

Հետազոտությունը՝ հետևյալ հղումով.

<https://url-shortener.me/3PH2>



Հայաստանում նվազագույն աշխատավարձի բարձրացման հարցը կրկին օրակարգում է

«ՖՐԻ ՆՅՈՒՇ» հեռուստաընկերությունը պատրաստել է տեսանյութ «Նվազագույն աշխատավարձը և սոցիալ-տնտեսական իրողությունները Հայաստանի Հանրապետությունում» հետազոտության արդյունքների և դրա ներկայացման միջոցառման մասին:



Տեսնյութը կարող եք դիտել՝ հետևելով հղմանը.
<https://tinyurl.com/5n7f5f98>

**Հանդիպում Գյումրու ՀՀ թեթև արդյունաբերության ոլորտի արհկոմի
նախագահների, արտադրության և արհմիության մի խումբ վետերանների
հետ**



2025թ. նոյեմբերի 26-ին ՀՀ թեթև արդյունաբերության աշխատողների արհմիության ՃՀՄ-ի նախագահ Սրապիոն Առաքեյանի նախաձեռնությամբ Գյումրիում տեղի է ունեցել սեմինար-հանդիպում ՃՀՄ անդամ արհմիութենական կազմակերպությունների արհկոմի նախագահների, արտադրության և արհմիութենական մի խումբ վետերանների հետ, որին հրավիրված էր ՀԱՄԿ-ի նախագահ՝ Էլեն Մանասերյանը:

Բացման խոսքով հանդես է եկել ՃՀՄ նախագահ Ս.Առաքեյանը: Սեմինարը վարել է ՀԱՄԿ-ի նախագահ Է.Մանասերյանը:

Ներկայացվել են ՀՀ-ում աշխատանքային իրավահարաբերությունները կարգավորող օրենսդրությունը, «Արհեստակցական միությունների մասին» և «Գործատուների միությունների մասին» ՀՀ օրենքներում սպասվող փոփոխությունները, ՀԱՄԿ-ի գործունեությունն ու կատարած աշխատանքները, ՀՀ կառավարության, Ազգային ժողովի հանձնաժողովների հետ համագործակցությունը, կոլեկտիվ պայմանագրերի կատարման վերահսկողության գործում արհկոմների, արհմիության ակտիվի դերը, Կառավարության, ՀԱՄԿ-ի և ՀԳՀՄ-ի միջև եռակողմ պայմանագրի կնքման ընթացքը:

Հարցերով ու ելույթով հանդես են եկել «Արշալույս» ԲԲԸ-ի, «Լենտեքս», «Նելլի», «Չաքարյան ջինս», «Արթենիա» ՍՊԸ-ների, «Գյուլբեկյան ԱԶ»-ի և «Գալստյան ԱԶ»-ի արհկոմի նախագահներն ու անդամները:

ՀԱՄԿ-ում ներկայացվել է աշխատանքային պայմանագրերի կնքման թվային համակարգի տեխնիկական գործընթացը



Հայաստանի արհմիությունների կոնֆեդերացիայի նախագահ Էլեն Մանասերյանի նախաձեռնությամբ, 2025թ. նոյեմբերի 28-ին կայացել է հանդիպում, որի ընթացքում ներկայացվել է աշխատանքային պայմանագրերի կնքման թվային համակարգից օգտվելու տեխնիկական գործընթացը:

Միջոցառումը, որին մասնակցել են ՀԱՄԿ-ի ճյուղային հանրապետական միությունների ներկայացուցիչները, մեկնարկել է ՀԱՄԿ-ի նախագահի տեղակալ Տիրուհի Նազարեթյանի ողջույնի խոսքով:

Աշխատանքային պայմանագրերի կնքման թվային համակարգի հնարավորությունները, օգտագործման փուլերը և գործնական կիրառման առանձնահատկությունները ներկայացրել են Հայաստանի Հանրապետության Պետական եկամուտների կոմիտեի «Ջի Սոլյուշնս» պետական ոչ առևտրային կազմակերպության թվային նախագծերի կառավարման դեպարտամենտի վերլուծաբաններ՝ Աննա Պողոսյանը և Մարիամ Մակարյանը:

Հանդիպման ընթացքում քննարկվել են համակարգի տեխնիկական մանրամասները, և մասնակիցները հնարավորություն են ունեցել ներկայացված գործառնությունների և կիրառման առանձնահատկությունների վերաբերյալ իրենց հարցերն ուղղել մասնագետներին:



Հայաստանի արհմիությունների կոնֆեդերացիա
Հասցե՝ Վազգեն Սարգսյան 26/3
Հեռ.՝ +37410 583682
www.hamk.am hamk@hamk.am